

ბიპი ექსპლორეიშენ (კასპიის ზღვა) ლიმიტედი და ბიპი ექსპლორეიშენ (შაჰ დენიზ) ლიმიტედი თავიანთი ბიზნესსაქმიანობის შედეგებს აქვეყნებენ პრესრელიზის სახით. ბიპი ექსპლორეიშენ (კასპიის ზღვა) ლიმიტედი აზერი-ჩირაგ-გუნაშლის საბადოს ოპერატორი, ბაქო-თბილისი-ჯეიჰანის მილსადენის მმართველი და ბაქო-თბილისი-ჯეიჰანის და სამხრეთ კავკასიის მილსადენების საერთო ოპერატორია. ბიპი ექსპლორეიშენ (შაჰ დენიზ) ლიმიტედი შაჰ დენიზის საბადოს ოპერატორია. თითოეული ამ საწარმოთაგანი გვაწვდის მათი პროექტების შესაბამის ინფორმაციას, და აკეთებს განცხადებებს თავიანთი პროექტების შესახებ.



ინფორმაცია ბიზნესსაქმიანობის შესახებ 2025 წლის პირველი კვარტლის შედეგები

2025 წლის 1 მაისი

აზერი-ჩირაგ-გუნაშლი (ACG)

ACG-ის წილობრივი მონაწილეობა: bp (30.37%), SOCAR (31.65%), MOL (9.57%), INPEX (9.31%), ExxonMobil (6.79%), TPAO (5.73%), ITOCHU (3.65%), ONGC Videsh (2.92%).

ბიპი ექსპლორეიშენ (კასპიის ზღვა) ლიმიტედი ACG-ის ოპერატორია, ACG-ის პროდუქციის წილობრივი განაწილების შესახებ ხელშეკრულებაში მონაწილე მხარეების სახელით.

2025 წლის პირველი კვარტლის განმავლობაში, ACG-ის საქმიანობის ფარგლებში, ბიპი-ს და მისი პარტნიორების საოპერაციო დანახარჯი დაახლოებით 115 მილიონი აშშ დოლარი, ხოლო კაპიტალური დანახარჯი კი 251 მილიონი აშშ დოლარი იყო.

პირველ კვარტალში, ACG-ზე ახალი 4-განზომილებიანი სეისმური პროგრამის 2024 წლის გეგმიური სამუშაოების დასრულების შემდეგ გრძელდება მიღებული მონაცემების სეისმური დამუშავება. გრძელდება მზადება მონაცემების მოპოვების სამუშაოების ჩასატარებლად ამა წლის მაისში.

წარმოება

2025 წლის პირველ კვარტალში ACG-მ გააგრძელა უსაფრთხო და საიმედო წარმოება. ACG-მ წლის პირველი სამი კვარტლის განმავლობაში საშუალოდ დღეში 331,000 ბარელი ნავთობი აწარმოა. (ჯამში 30 მილიონი ბარელი ანუ 4 მილიონი ტონა) შემდეგი პლატფორმებიდან: ჩირაგიდან (21000 ბ/დ), ცენტრალური აზერიდან (87,000 ბ/დ), დასავლეთ აზერიდან (76,000 ბ/დ), აღმოსავლეთ აზერიდან (43,000 ბ/დ), გუნეშლის ღრმაწყლებიდან (54,000 ბ/დ) და დასავლეთ ჩირაგიდან (25,000 ბ/დ) და ACE-დან (25,000ბ/დ).

2025 წლის 18 თებერვალს აზერი-ჩირაგ-გუნაშლიმ ცენტრალური აზერის პლატფორმიდან პირველი ნავთობის წარმოება იზეიმა, ჯამში კი უკვე 1.1 მილიარდი ბარელი (152 მილიონი ტონა) ნავთობი აწარმოა ამ პლატფორმიდან.

პირველი კვარტლის ბოლოს, 145 ჭაბურღილი აწარმოებდა ნავთობს, აქედან 44 ჭაბურღილი წყლის და რვა კი გაზის ინიექციისათვის იყო გამოყენებული.

ბურღვა და პროექტების დასრულება

2025 წლის პირველ კვარტალში ACG-მ ორი ნავთობის მწარმოებელი ახალი ჭაბურღილიდან ერთის მოწყობა უკვე დაასრულა. პირველ კვარტალშივე მოეწყო გაზის ინიექციის ერთი ახალი ჭაბურღილი.

ასოცირებული გაზი

წლის განმავლობაში, ACG-მ აზერბაიჯანის სახელმწიფოს საშუალოდ დღეში 11 მილიონი კუბური მეტრი ასოცირებული გაზი მიაწოდა (ჯამში 0.9 მილიარდი კუბური მეტრი). ძირითადად სანგაჩალის ტერმინალზე, ამასთანავე სოკარის ნავთობის ქანების ობიექტზე. წარმოებული ასოცირებული გაზის ნარჩენის რეინიექცია განხორციელდა რეზერვუარში წნევის შესანარჩუნებლად.

არა-ასოცირებული გაზი

2024 წლის 20 სექტემბერს, სოკარმა ბიპი-ს და ACG-ის სხვა პარტნიორებთან ერთად განაცხდა, რომ ხელი მოაწერა არსებული ACG პროდუქციის წილობრივი განაწილების შესახებ ხელშეკრულების დანართს, რომლის თანახმადაც გაგრძელდება ACG-ის საბადოდან არა-ასოცირებული გაზის საძიებო სამუშაოები, შეფასება, განვითარება და

წარმოება. სავარაუდოდ ACG-ზე არა-ასოცირებული გაზის მნიშვნელოვანი მარაგებია, დაახლოებით 4 ტრილიონი კუბური ფუტი.

ხელშეკრულების დანართის შესაბამისად, სოკარი და ACG-ის პარტნიორები არა-ასოცირებული გაზის განვითარების გეგმის საწყის ეტაპებს გეგმავენ. ამ საქმიანობის ფარგლებში, მიმდინარეობს საწყისი საბურღი სამუშაოები ორი პრიორიტეტული რეზერვუარიდან გაზის მისაღებად. ამ ჭაბურღილის მოწყობა მნიშვნელოვანია, რადგან ის წარმოებასთან ერთად შეფასების საშუალებასაც იძლევა, რაც განვითარების გეგმებს დაედება საფუძვლად.

ჭაბურღილის მოწყობა არსებული დასავლეთ ჩირაგის პლატფორმიდან დაიწყო და პირველი გაზის მიღება მოსალოდნელია 2025 წლის მიწურულს.

სანგაჩალის ტერმინალი

202 წლის პირველ კვარტალში ACG-ის და Shah Deniz-ის საბადოებიდან მოპოვებული ნავთობი და გაზი ზღვისქვეშა მილსადენებით სანგაჩალის ტერმინალისკენ მიედინებოდა.

ტერმინალს ამჟამად დღეში 1.2 მილიონი ბარელი ნედლი ნავთობის და კონდენსატის გადამუშავება და შაჰ-დენიზის საბადოზე მოპოვებული დაახლოებით 81 მილიონი სტანდარტული კუბური მეტრი გაზის გადამუშავება შეუძლია. თუმცა საერთო ჯამში ტერმინალის გაზის გადამუშავების და ექსპორტის სიმძლავრე, ACG-ს ასოცირებულ გაზთან ერთად დაახლოებით დღეში 100 მილიონი სტანდარტული კუბური მეტრია.

პირველი კვარტლის განმავლობაში სანგაჩალის ტერმინალმა ბაქო-თბილისი-ჯეიჰანის მილსადენის საშუალებით დაახლოებით 52.3 მილიონი ბარელი ნავთობის და კონდენსატის ექსპორტი განახორციელა.

გაზის ექსპორტი განხორციელდა სამხრეთ კავკასიის მილსადენის, სამხრეთ კავკასიის მილსადენის გაფართოების სისტემის და აზერბაიჯანის გაზის მილსადენების საშუალებით, რომელიც სანგაჩალის ტერმინალის გაზის გადამამუშავებელ მოწყობილობებს აზერიგაზის ეროვნულ გამანაწილებელ სისტემასთან აკავშირებს.

2025 წლის პირველ კვარტალში, სანგაჩალის ტერმინალიდან ექსპორტზე დღეში საშუალოდ 73.3 მილიონ სტანდარტულ კუბურ მეტრზე მეტი (დაახლოებით 2,589 მილიონი სტანდარტული კუბური მეტრი) შაჰ-დენიზის გაზი გადიოდა.

ბაქო-თბილისი-ჯეიჰანი (BTC)

ბაქო-თბილისი-ჯეიჰანის კომპანიის (BTC Co.) აქციონერები არიან: bp (30.10%), SOCAR (32.97%), MOL (8.90%), TPAO (6.53%), Eni (5.00%), TotalEnergies (5.00%), ITOCHU (3.40%), ONGCVidesh (3.10%), ExxonMobil (2.50%) and INPEX (2.50%),

2025 წლის პირველ კვარტალში, BTC-ს საქმიანობის ფარგლებში ჩვენი საოპერაციო დანახარჯი დაახლოებით 32 მილიონ აშშ დოლარი იყო და კაპიტალური დანახარჯი კი 13 მილიონ აშშ დოლარი.

1768კმ სიგრძის მილსადენმა 2006 წლის ივნისში ფუნქციონირების დაწყებიდან 2025 წლის პირველი კვარტალის ჩათვლით ჯამში 4.5 მილიარდზე მეტი ბარელი ნედლი ნავთობი გაატარა (598 ტონაზე მეტი). 5,932 ტანკერი დაიტვირთა და გაიგზავნა მსოფლიო ბაზრებზე.

2025 წლის პირველ კვარტალში, დაახლოებით 54 მილიონი ბარელი (7 მილიონ ტონაზე მეტი) ბი-თი-სი-ს მიერ ექპორტირებული ნედლი ნავთობი ჯეიჰანის ტერმინალზე 70 ტანკერში ჩაიტვირთა.

ბი-თი-სი ამჟამად ძირითადად აზერბაიჯანიდან ACG-ის ნედლი ნავთობის და შაჰ-დენიზის კონდენსატის ტრანსპორტირებას ახორციელებს. ბი-თი-სი-ს საშუალებით ასევე გრძელდება კასპიის რეგიონის ნედლი ნავთობის და კონდენსატის (ყაზახეთიდან, თურქმენეთიდან და სოკარის აზერბაიჯანში წარმოებული მოცულობებიდან) სხვა მოცულობების ტრანსპორტირება.

შაჰ-დენიზი

Shah Deniz-ის წილობრივი მონაწილეობა: bp (operator – 29.99%), LUKOIL (19.99%), TPAO (19.0%), SGC (16.02%), NICO (10.0%) და MVM (5.00%)

2025 წლის პირველი კვარტალის განმავლობაში, ბიპი-ს და მისი პარტნიორების საოპერაციო დანახარჯმა შაჰ-დენიზის პროექტში 726 მილიონი აშშ დოლარი შეადგინა, ხოლო კაპიტალური დანახარჯი 213 მილიონი აშშ დოლარი იყო, მათ შორის უმეტესი შაჰ-დენიზ 2-ის პროექტთან იყო დაკავშირებული.

წარმოება

2025 წლის პირველი კვარტლის განმავლობაში შაჰ-დენიზის საბადომ განაგრძო გაზის მიწოდება ბაზრებისთვის აზერბაიჯანში (სოკარისთვის), საქართველოში (საქართველოს ნავთობის და გაზის კორპორაციისთვის), თურქეთში (ბოტაშისთვის) და კომპანია ბი-თი-სი-სთვის სხვადასხვა ლოკაციებზე და მყიდველებისთვის ევროპაში.

2025 წლის პირველი კვარტლის განმავლობაში, საბადომ ჯამში დაახლოებით 7 მილიარდი სტანდარტული კუბური მეტრი გაზი აწარმოა და დაახლოებით 1 მილიონი ტონა (დაახლოებით 8 მილიონ ბარელი) კონდენსატი შაჰ-დენიზ ალფა და შაჰ-დენიზ ბრავო პლატფორმებიდან.

შაჰ-დენიზის არსებული მოწყობილობების საწარმოო სიმძლავრე ამჟამად დღეში 76.4 მილიონ სტანდარტულ კუბურ მეტრ გაზზე მეტია, რაც წელიწადში 27.9 მილიარდ კუბურ მეტრს აღემატება.

პროექტი შაჰ-დენიზ 2

2025 წლის პირველ კვარტალში, შაჰ-დენიზ 2-ის პროექტმა უსაფრთხოდ განახორციელა დასავლეთ-ჩრდილოეთის ფლანგის მე-5 ჭაბურღილებიდან წარმოების დაწყება. სამუშაოები მიმდინარეობს სხვა ჭაბურღილებზეც.

ბურღვა

2025 წლის პირველი კვარტლის განმავლობაში, შაჰ-დენიზის ალფა პლატფორმის საბურღი დანადგარი სრული დატვირთვისთვის მზადყოფნის რეჟიმში მუშაობდა.

საბურღი დანადგარების საშუალებით საერთო ჯამში 22 ჭაბურღილის ბურღვა დასრულდა. დასრულებულ ჭაბურღილებში შედის ხუთი ჭაბურღილი ჩრდილოეთის ფლანგზე, ხუთი დასავლეთის, ოთხი აღმოსავლეთ-სამხრეთის, ხუთი დასავლეთ-სამხრეთის და სამი აღმოსავლეთ-ჩრდილოეთის ფლანგებზე.

სამხრეთ კავკასიის მილსადენი

The SCP Co-ს აქციონერები არიან: bp (29.99%), SGC (21.02%), LUKOIL (19.99%), TPAO (19.00%) და NICO (10.0%).

2025 წლის პირველ კვარტალში, SCPC-ს საოპერაციო დანახარჯი ჯამში დაახლოებით 18 მილიონ აშშ დოლარი იყო და კაპიტალური დანახარჯი კი დაახლოებით 6 მილიონი აშშ დოლარი.

SCP 2006 წელს შევიდა ექსპლუატაციაში და შაჰ-დენიზის გაზს აწვდის აზერბაიჯანს, საქართველოს და თურქეთს. მილსადენის გაფართოების პროექტიდან თურქეთისთვის გაზის კომერციული მიწოდება 2018 წლის ივნისში დაიწყო და ევროპისთვის კი 2020 წლის დეკემბერში.

2025 წლის პირველ კვარტალში, SCP-ის გაზის საშუალო გატარება იყო 60.8 მილიონი კუბური მეტრი დღეში.

სადიებო სამუშაოები

2025 წლის პირველი კვარტალში გავაგრძელეთ შაჰ-დენიზის კონტრაქტის ფარგლებში მოწყობილი სადიებო ჭაბურღილიდან (SDX-8) 2023 წელს მიღებული მონაცემების შესწავლა, რაც საშუალებას გვაძლევს შევაფასოთ ღრმად მდებარე ქანებში არსებული პოტენციური მარაგები.

შაფაგ-ასიმანის საზღვაო ბლოკზე მოწყობილ პირველ საექსპლუატაციო ჭაბურღილზე (SAX01), არსებული რესურსების შეფასება და შემდგომი ნაბიჯების განსაზღვრა მიმდინარეობს.

2024 წლის 20 სექტემბერს, ბიპი-მ და სოკარმა ხელი მოაწერეს ურთიერთგაგების მემორანდუმს, რომლის თანახმადაც ბიპი აპირებს შეუერთდეს ყარაბაღის ნავთობის საბადოს და აშრაფი-დან ულდუზუ-აუფარას სადიებო ტერიტორიის შესახებ არსებულ ხელშეკრულებებს. მოლაპარაკებები გაგრძელდა 2025 წლის პირველ კვარტალში.

ადამიანები

2025 წლის პირველ კვარტალში კომპანიაში 237 ადამიანი იყო დასაქმებული.

ბი-პი საქართველოს თანამშრომლების 99%-ზე მეტი საქართველოს მოქალაქეა.

ბი-პი-ს ძალისხმევა მიმართულია თანამშრომლების სწავლების და განვითარების პროგრამების ოპტიმიზაციისკენ. კომპანია ცდილობს წვლილი შეიტანოს ადგილობრივი ტალანტის ბაზრის განვითარებაში და მონაწილეობა მიიღოს საზოგადოებრივი და კერძო სექტორის ინიციატივებში.

სოციალური ინვესტიციები

საქართველოში, ისევე როგორც კასპიის რეგიონში, ბი-პი-ს პროექტების წარმატება გარკვეულწილად დამოკიდებულია ოპერატორის შესაძლებლობაზე შექმნას ხელშესახები სარგებელი ამ პროექტებიდან რეგიონის მოსახლეობისთვის. ამის მისაღწევად ბი-პი და მისი პარტნიორები აგრძელებენ მნიშვნელოვანი სოციალური ინვესტიციების პროექტების განხორციელებას, მათ შორის განათლების დარგში, ადგილობრივი მოსახლეობის უნარ-ჩვევების და შესაძლებლობების გაზრდის, და მოსახლეობისთვის სოციალური ინფრასტრუქტურის ხელმისაწვდომობის გაუმჯობესების მიმართულებით, მცირე ბიზნესის წამოწყების და მისი განვითარების ხელშეწყობისთვის, დაფინანსების და ტრენინგების საშუალებით. ასევე კულტურული მემკვიდრეობის და სპორტის ხელშეწყობის და საზოგადოებრივი ინსტიტუტების ტექნიკური მხარდაჭერის საშუალებით.

2025 წლის პირველ კვარტალში ბი-პი-მ და პარტნიორებმა, (რომლებიც იმ ერთობლივი საწარმოების აქციონერები არიან, რომელთა ოპერატორიც ბი-პი-ა), საქართველოში სოციალური ინვესტიციის პროგრამების და პროექტების განხორციელებაზე 122,160 აშშ დოლარი დახარჯეს. ამ წლის მანძილზე გაგრძელდა ადგილობრივი მოსახლეობის განვითარების ინიციატივის განხორციელება სამივე მილსადენის, (ბაქო-სუფსა, ბაქო-თბილისი-ჯეიჰანი და სამხრეთ კავკასიის მილსადენი), გასწვრივ მცხოვრები მოსახლეობისთვის.

ამასთანავე 2025 წელს ქვეყნის მასშტაბით სხვადასხვა სოციალური ინვესტიციების და სასპონსორო პროექტების განხორციელებაზე დაიხარჯა 77 500 აშშ დოლარი. დაფინანსდა და განხორციელდა სხვადასხვა პროექტები. მათ შორის, სოფლის მეურნეობის, გარემოსდაცვითი/ბიომრავალფეროვნების მიმართულებით ენდემური ჯიშის მარცვლეულის აღდგენა-გავრცელება და განათლების მიმართულებით სერტიფიცირებული ინგლისური ენის კურსი მედიისთვის.

საქართველოში განხორციელებული სოციალური ინვესტიციების პროგრამების შესახებ დამატებითი ინფორმაცია განთავსებულია: www.bpgeorgia.ge